

精校

東醫寶鑑

上海千頃堂書局印行
劉仲祺題



御醫許浚編輯

增補東醫寶鑑

明萬曆四十年

梓

一六一三年

上海千頃堂書局印行

訂正東醫寶鑑序

東醫寶鑑二十五卷朝鮮國醫許浚所輯也分辨內景外形湯液鍼灸雜病而古今衆說如察諸於掌可謂醫業校稽之一助乎此書齋來者寡故世人罕知之於是

命醫官法眼源元通加之訓訂附之剞劂使僕為之序按醫亦學問之道也其教多術焉未有其學不明而其術精者欲明其學則不可不以多讀書矣近世之醫有恆言曰治病而已矣必讀書然後治病是言之戾也治病之法豈其書之外乎哉今夫方技之肱非不折而所見者異也所見者異則疑惑錯亂其弊係於死生一大事可不慎歟其學明則不疑惑其術精則不錯亂如其治案瞭瞭然非富貴囊者不能焉醫之書蓋百無數雖博覽之人敢以一朝一夕而究測之乎況資財乏用之輩安能藏蓄之乎苟為讀書然後治病則數十年間空拳張圍何益之有此書行則無此累焉凡百姓之疾病得免於死亡而衛生之道大補於後世矣於戲

官之慮當世與後世者可以對揚焉因序

享保八年癸卯孟春中旬

從五位下守大學頭藤原朝臣信篤謹識

東醫寶鑑二十三篇朝鮮國醫許浚奉其國君之教而養日本醫官源元通為之訓訂卷首有序傳享保癸卯者乃

皇朝雍正紀元之歲然浚為是書不著年月不詳其何時人案之所引歷代醫方殆作於明季者與其書以內景外形雜病湯液針砭五者為大綱各以其類列為目又析為子目條分而件繫之每舉一類必攷其原始究其終極證以脈法然後羅列諸方必詳必備釐然秩然所引書一軌於正各注所從出示非臆斷誠醫學中徵實之書也特首篇內景既襲黃庭以為名復於條例申言其旨至謂道得其精醫得其麤宗尚老氏之說自蹈於虛斯異乎徵實者之所為矣夫醫之為教也上古聖人嘗味草木分別氣味以療諸疾病祇以祛人之所害而得終其天年非謂有醫而人可無死也天之生萬物也一草木之細滋長衰落各有時一昆蟲之微胎息委蛻亦有時人之生也少而壯壯而衰衰而死皆常道也顧人既靈於萬物其欲亦遂勝於萬物欲勝故喜怒哀樂戰於中富貴利達擾於外於是乎寒暑陰陽得抵隙以入而札瘥天昏之患以興使世有良醫而人能免於札瘥天昏得如周官所謂十全為上者且不可必又安得而有長生不死之道乎如其有之則徐福何以遁於海文成不當罹於刑而不死之藥宜有傳於世也所謂古之良醫必切脈望色聽聲寫形猶懼未至而暇為謬悠流遠之說乎哉其為謬悠流遠之說者乃方士之故習非醫宗之正軌且古人之製方也探索病源參攷藥性配以君臣之位酌以輕重之宜非偶然為之而已而浚又謂古方分兩太多卒難備用改從古今醫鑑萬病回春每劑折作七八錢或一兩以為多寡適中此尤不學之過矣夫古時升

斗權衡本不與今同陳無擇云漢錢文曰半兩則漢方當用半兩錢二枚為一兩徐大椿親見漢時六升銅量容今一升二合皆有根據非若千金方之以古三兩為今一兩以古三升為今一升猶為鑿空而談也是古方分兩固未嘗多後既不深攷輒用刪改武斷孰甚焉惟其蒐采多古書條理分明引據賅洽有足裨於談軒岐之學者惜乎溺於異氏之說又果於師心自用自玷其書故特揭之以破閱者之惑所貴略其疵而用其醇可也乾隆間有順德左翰文刊本無日本人序而有番禺凌魚序謂得之

祕閣鈔傳者行世已久屢經翻雕漫漶錯不可讀是本猶東瀛原刻校刊俱審朱君曜之購諸番舶以原序未能發明全書之要因屬余更書之如此光緒十有六年春王正月華亭閔萃祥撰

內景篇一 身形 精 氣 神

內景篇二 血 夢 聲音 言語 津液 痰飲

內景篇三 五臟六腑 肝臟 心臟 脾臟 肺臟 腎臟 膽腑

胃腑 小腸腑 大腸腑 膀胱腑 三焦腑 胞 蟲

內景篇四 小便 大便 眼

外形篇一 頭 面 口舌 牙齒 咽喉 頸項 背

外形篇二 耳 鼻 腹 臍 腰 脇 皮

外形篇三 胸 乳 腹 臍 腰 脇 皮

肉 脈 筋 骨 臍 腰 脇 皮

外形篇四 手 足 毛髮 前陰 後陰 吐 汗 下

雜病篇一 天地運氣 審病 辨證 診脈 用藥

雜病篇二 風 寒上 暑 溼 燥 火

雜病篇三 寒下 暑 溼 燥 火

雜病篇四 內傷 虛勞 咳漱 消渴 黃疸

雜病篇五 霍亂 嘔吐 咳漱 消渴 黃疸

雜病篇六 積聚 浮腫 脹滿 消渴 黃疸

雜病篇七 痲瘋 瘟疫 邪祟 癰疽 上



